

REGOLAMENTO DEL SENATO

si chiama di pregadi, pur al campaniel de San Marco, chi vuol andar vi va de li deputati; poi a vespero vien serrate le porte, et, poi serrate, non si averze se non a' procuratori, o vero consieri, avogadori et cai di conseio di x. Et cussì redutti a sentar, per un nodaro de la canceleria vien lette tutte le letere mandate a la signoria de diversi lochi, le qual za sòno state lette in colegio; et mentre se lezeno, li savij grandi, savij a terra ferma et savij a i ordni se reduseno in un loco, serrati, dove tra loro consultano la parte hanno a metter in quel conseio, et le risposte se dia far a le letere si di signori, come nostri ambassadori et altri. Poi vieneno fuora, a i soi lochi, con varie opinione o vero d'acordo, et fanno per li soi nodari lezer la lhor parte, notificando chi le mette. Et poi che sono lette, et ditto *andarà le parte, come è lette*, et bisogna dir cussì tre volte; et avanti che sia mandà et ditto la 3.^a volta, è in libertà di quelloro metteno le parte, *gradatim* de andar in rengha, et defender la soa oppinion, o vero contradir a le altre parte de soi collegi o altri savij di colegio. Et compito di parlar quelli de cole-